

金錄十迴度人晚朝開收儀

宣齋意後

三歸依

宿命讚

宿命有信然 弱長謂之無 皆欲眼前見

過目即言悠 大賢明道教 慘戚憫頑夫

依依念予苦 勤勤令我憂

宣第九迴開經文

臣恭以洞玄赤書空青紫字九霞煥彩皆芒

金角玉之文八龍成章亦刻玉鑄金之字秘

於上清之境寒靈之殿感以立空之紫霜羅

之中日月得之以運行終古不息

帝王得之而保鎮萬世太平猗歟盛哉蔑以

加矣臣今欽奉

綸音崇修金錄延禧大齋晝夜臣今引領

官衆升壇第九迴轉誦太上洞玄靈寶無量

度人上品妙經朝禮寶誥仰依

無上三寶慈尊十方諸天大聖慈悲願力主

盟經功伏願玄真啓迪上聖提攝神光照燭

於慧源道派流通於靈府令臣等研精覃思

宜略通大義之可為靈隱鈞深必洞明至言
而後已功沾水陸善及邦家稽首虛皇修行
經法

敷座吟

誦經畢

解座吟

回向

臣恭以九為陽極宜感名於天真元乃金成

故發泄於地藏天不愛道而圖書出世地不

愛寶而金玉露形昔老君降蜀都亦感地涌

玉局虛皇遊西國自然地薦黃金蓋神功不

約而同其靈應何常之有臣適來引領官衆

升壇轉誦太上洞玄靈寶無量度人上品妙

經第九徧裡用回向

上方無極太上靈寶天尊上方保命護身天

尊天垣帝座星君紫微垣列位星君中天北

斗七元星君三台華蓋中官一切星衆上方

無極無量品至真大神飛天神王長生大聖

無量度人君本命太歲祿馬尊神紫堂神煞

官屬齋壇應感一切真靈乞以經功願力安

鎮紫微中天黃道之火保命延生迎祥集慶
伏願奉刻玉鑄金之簡顯連珠合璧之祥齊
七政在玉衡靡差躔次轉一炁開壽域俱入
鈞陶福佑邦家恩沾海宇稽首歸依旅行讚
詠

太極頌

大道雖無心 可以有情求 佇駕空洞中

迴盼驚滄流 淨明三界外 蕭蕭玉京遊

自無玄挺運 誰能悟冥趣 落落天漢澄

俯仰即虛柔 七玄散幽夜 返胎順沈浮

冥期苟潛凝 陽九無娛憂 親此去來會

誰復為淹留 外身而身存 真仙會良俦

高功於上方恭文

宣表闡變化

宣十迴開經文

臣恭以上品度人蓋諸天之所共寶明真有

格必四萬劫以方傳於是真經降世寰宇嚮

風迨徐葛相傳則靈寶之科大備林王繼出

則神霄之教復明然後服氣養生之方保國

寧家之術層見疊出非其有條不紊併

包快恢乎其不漏其道可謂大矣雖聖又何加焉臣今欽奉

繪音崇修金錄延禧大齋晝夜臣今引領官衆升壇第十迴轉誦太上洞玄靈寶無量度人上品妙經朝禮寶誥仰依

無上三寶慈尊十方諸天大聖慈悲願力主盟經功伏願於皇大道有赫高真成周迴十過之功盡終始一經之義八方六合悉皆涵泳於仁風寸地尺天莫不沾濡於法雨同壇請衆妙振靈音稽首虛皇修行經法

教座吟

誦經畢

解座吟

回向

高功存思如初

臣恭以誦上品之真必十過而成教修聖胎之法須十月以成功鼎器法乎乾坤火候取於復姤故得玄珠有象玉音成形存乎我則復命歸根純陽被體施於人則延生保命在世長年蓋經功丹道理則同歸在學士至人

修之自見臣適來引領官衆升壇轉誦太上洞玄靈寶無量度人上品妙經第十迴徑用回向

下方無極太上靈寶天尊下方興大福力天尊中央主德祖炁中皇上真道者鎮星真君中斗大魁星君下方無極無量品至真大神飛天神王長生大聖無量度人君本命太歲祿馬尊神紫堂神炁官衆齋壇應感一切真靈乞以經功願力安鎮下方十二分野所屬之地伏願中斗總靈鎮星四據列居錯峙正分度於周天俞受敷施兆禎祥於寰宇凡在懷生之物同瞻有赫之光伏願妙化旁周嘉祥駢集十方悉陶於聖化萬國咸歸於至仁養動含靈俱沾恩澤稽首歸依旋行讚詠

太極頌

暨暨玄中趣 湛湛清漢波 代謝若循環 椿木不改柯 靜心念至真 隨運順離羅 感應理常通 神識速自徂 淡遊初無際 繁想洞九霄 飛根散玄葉 理返非有他 常能誦玉章 玄音徹霄霞 甲申洪災至

控翮王母家 永享無終紀 豈知年劫多

高功於下方恭文

宣表闡焚化

宣普嘆經文

詳夫道本無言非言無以傳道經非待誦因誦而後知經昔混沌之未形於篇章而何有恭惟

大羅元始玉晨道君疑梵炁於虛無鍊真文於浩劫乃於始青淳黎之國說此洞玄靈寶之經懸一黍於天中引衆真於珠內敷弘至妙開化含生混洞赤文首述化生諸天之妙元洞玉曆復明保制劫運之功數落五篇周迴十過復出大梵隱語靈書中篇光照十方字長一丈皆上帝內名之隱韻難可尋詳迫皇人受命於天尊為之剖解上以安天而鎮地下以阜物而康民秘在上宮不傳下世自漢武帝得之於西王母斯道以傳及徐真人授之於葛仙翁其書亦廣惟此無量上品獨為諸卷統宗今日臣等欽奉 繪音崇修大教按金錄大齋之式舉度人轉

經之儀當願諸天下觀衆真保舉五帝之玉童玉女營衛神丈八威之金虎金龍護持寶笈五色鬱勃以陳瑞四氣朗清以效祥調順天經三辰五星之軌道鎮安國土九州四海之升平

帝祚洪延民生富庶知音誦者無不辟無不度無不禳自天祐之得其名得其祿得其壽然後五服六親之眷屬俱保康寧九州四海之臣鄰咸臻亨泰振芳甲折各安生化之天麟甲羽毛咸適逍遙之樂願與三界有緣之衆同歸一乘最上之機法衆虔誠收經如法

高功收經讚

三闍經

納官

復鑑

下壇謝神王

謝師

回向

金錄十迴度人晚朝開收儀

金錄十迴度人早朝轉經儀

三儀同卷

金錄十迴度人早朝轉經儀

金錄十迴度人早朝轉經儀

金錄十迴度人晚朝轉經儀

金錄十迴度人早朝轉經儀

師堂序立

法事

高功跪啓

具位某重伸上啓

靈寶玄中大法師真君靈寶經師君籍師君度師君正一天師君女師嗣師系師君靈寶

監齋大法師真君赤明開圖素珠授受一泐

宗師恭望師慈俯回洞鑒臣聞元始說經一

編而終十編衆真監度東方而至下方無所

不辟無所不覆曰可以生曰可以化將宣經

法先叩師嚴臣今入者以今引領官衆升壇

轉誦太上洞玄靈寶元量度人上品妙經第

一迴至第四迴敬為祝延

萬壽保天長存金賴師慈主盟壇席庶俾精

贖平

誠上徹玄脫孔昭一切有情同沾利益身俟恩命宣演經科臣千冒師嚴下情不勝虔禱之至願衆升壇恭行典式

唱道引至壇前序立

法事

降神王

具位某上啓

十方無極飛天神王長生大聖無量度人君

十方飛天使者十天玉女十方一切靈仙官

衆咸望聖慈洞回昭鑒恭以開函演典將修

八緯以誦經監真度生先叩十方而主教願

回靈駕俯降道場有開必先全賴提撕之力

無文不度庶成誦詠之功法衆虔誠修齋奉

請

修齋

雲興

散花

具位某上啓

十方無極飛天神王長生大聖無量度人君

十方飛天使者十天玉女十方一切靈仙官